

中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十二年重印本

影印

湖北省

寶慶府志

(一)

9431/05

成文出版社有限公司印行



10097187

中國方志叢書·華中地方·第三〇二號

據

清·黃宅中寺修
鄧顯鶴等纂
清道光二十九年修·民國二十三年重印本

影印

湖 南 省

寶慶府志

(二)

成文出版社有限公司印行



10097186

中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本


影印

湖 南 省

寶慶府志

(三)

成文出版社有限公司印行



10097193

中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本


影印

湖北省

寶慶府志

(四)

5431/05
成文出版社有限公司印行



中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本

影印

湖北省

寶慶府志

(五)

成文出版社有限公司印行

5/31/05

832



10097191

中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本

影印


湖北省

寶慶府志

(六)

成文出版社有限公司印行

5/31/05



中國方志叢書·華中地方·第三〇二號

據

清·黃宅中等修；鄧顯鶴等纂
清道光二十九年修，民國二十三年重印本

影印

湖北省

寶慶府志

(七)

成文出版社有限公司印行

9031/05



10097189

中國方志叢書·華中地方·第三〇二號


據

清·黃宅中等修，鄧顯鶴等纂
清道光二十九年修，民國二十三年重印本

影印

湖北省

寶慶府志



5431/05

成文出版社有限公司印行



10097188

中華民國六十四年 月壹一版

寶慶府志

全八冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

寶慶府志

陳光中題



民國二十三年甲戌
冬月陳植福堂重印

重印寶慶府志序

自來郡縣志之有名者宋范成大吳郡志以博雅稱羅願新安志以簡賅勝元于思容齊乘以典核有法著沿及前明赫赫稱康海武功韓邦靖朝邑二志武功體例謹嚴源出漢書朝邑詞筆疏宕源出史記固各得史之一體故王士禎謂其訓詞爾雅石邦教謂其義昭勸鑒且二志之文皆僅數篇爲古今志乘之最簡而宏綱細目包括靡遺提要鉤元敘次間又若有餘閒論

寶慶府志序

者遂以爲鄉國之良史無如此者要求其裨吏治之實用振民氣於幽潛則孰若前清道光間吾鄉先哲鄧湘皋先生所纂之寶慶府志是志大綱有八目凡三十六依事分類編采史例爲紀一表十圖二記三書六略二錄五傳四末爲摭談凡一百五十二卷都二百餘萬言其間之最精且要者若形勝疆里準方成圖士族地望奠居爲表取六法約四要因地利繫民生凡遠近紆直之衡縱橫高下之測與夫防守藏

伏之險隘守望策應之關聯罔弗分率茂密規畫詳明居常可行保甲之法歷變可備團練之籌其所以資治理者大又若使岷殘明之備錄歷代先民勝朝耆舊忠義孝友及遺民俗將之別傳掌故所繫亦風化攸關而舊志間多闕遺或漫無區別是志悉本之正史參以載記證諸先民手錄印冊及叢殘古碣詳加甄摭表微闡幽獨具精心論世知人別抒特筆足使百世下聞風興起蒸成醇俗其所以扶世教者殷

寶慶府志序

此二者皆各志乘所未嘗專注卽注亦不詳詳亦不精而此獨元元本本炳炳琅琅本桑梓聞見之確秉春秋筆削之嚴特發異采於資江上游流域豈獨體例之衷諸史鵠文章之垂爲國華已哉顧剗剗甫竟海內爭相購藏已有供不應求之勢雖吾鄉世家巨族亦常各守一編奉爲家珍迺近年兵燹頻仍故家多流離轉徙舊籍半皆散亡此志亦在殘缺之列將來文獻之不足爲邦人之深恥亦國典之遺憾也

光中于役戎行嘗聞先兄孟翔及鄉父老述府志之善景誦古芬久矣今書雖散佚而搜遺拾墜尚可左綴右葺葺成完本因不敢秘惜出行橐中國幣五千元爲楮墨資重付檢印並約鄉中耆碩詳加校對俾缺者復整逸者復存庶幾西堂散帙藉三鈔而不湮太學遺碑經重鑄而永耀他日國史輶軒下采不致使吾郡有杞宋無徵之慨斯則小子輩所馨香禱祝者爾用是爲序

寶慶府志 序

中華民國二十三年夏曆甲戌歲孟冬邵陽陳光中謹撰

寶慶府志序

寶慶府古邵州地所屬一州四縣首尾沅湘控臨黔粵東北距湖南行省五百里而近號爲輿區使者自道光六年官湖南布政使中閒再撫湖南今年秋奉

命閱伍南楚值廣西賊匪蠢動郡屬之新寧城步戒嚴分命將吏防勦甫定蓋使者二十餘年閒觀政於湖湘之日最久以親是故於郡屬之山川疆域土俗民風聞之習而知之詳郡故有志自乾隆間太守鄭之僑踵修之後歲月綿邈文獻缺有閒焉於是前守黃君宅中今守張君鎮南謀所以重新之者而聘郡人鄧湘臯山長任纂修之事凡三年而書成請序於使者嘗慨方志猥陋修陳風土假借附會味厥甄限列傳縟於家牒藝文浮於總集而輿圖戶籍之要附綴焉已爾鈔撮焉已爾因山水而

寶慶府志序

有郡縣不通乎鳥道準望之術則圖測不確也因郡縣以析民居不綜乎姓氏村落之綱則土著無徵也是書最凡紀七表十圖二記三書六略二錄五傳四而於山水戶籍輿地形勝關隘險要尤詳哉其言之夫志者志也宗史而祖書書以道政事史以效得失凡以示人行政之方俾資於教養承平之日勿狃於宴安是書也成使守土之人一覽而山川疆域土俗民風如視諸掌焉於以體

國經野度地從政使吾寶慶之民同登康樂和親之書於永禩也是則守土者之志也夫是則使者之志也夫道光二十有八年春太子太保總督湖廣使者裕泰序

寶慶府志序

寶慶湖南西南要郡也據資控湘閩嶺層疊連延西粵民猶錯處其山川疆里土風文物余奉

命督學兩至其地適途所經耳聞目見略知梗概然未能徧觀而盡識也今春郡守張君邵陽學彭君以郡志告成請序於余夫觀風問俗使者事也矧余職在史館其何敢辭竊謂郡之有志隨在皆然使任其事者無才學識三長非陋而不文則華而不實或宜詳者略或宜簡者繁甚或挾私見爲去取據浮談爲事實其不足信今而傳後者多矣儒者著書立說必求有用於世况郡志爲政治所關若蹈常襲故擬拾成文而不知體要則亦何適於用是書以舊志疏漏詳加考覈條理燦然凡爲綱八曰紀表圖記書略錄傳體仿諸史而特參以新意創前所未有於

寶慶府志序

疆里形勝山川也言之特詳因山川而析其道里因道里而別其村團因村團而著其氏族凡土田之廣狹人民之衆寡可按而稽而城郭關梁歷代戰守險要之地亦瞭如指掌余按其圖讀其記恍若身入其中親履徧歷細微曲折無不周知若夫覽是書而因時布政度地制宜以富以教使險要之地悉爲蕩平以共樂

聖天子雍熙之化則於守土者有厚望焉是志之修倡之者前守黃君宅中繼之者今守張君鎮南而主纂修之事者郡人新化鄧君湘臯湘臯博古通今士也其爲書可以信今可以傳後故特表之以告世之爲志者道光二十有九年六月既望湖南督學使者番禺梁同新序

寶慶府志序

或曰志者史之一體也自扶風因龍門八書增爲十志地理志居其一范書改名郡國實與地理無異是郡國又志之一體也雖然列天下之郡國爲數卷則史不可以志賅若一郡國自爲一志俾疆圉廣袤道塗夷險政教所出風俗所成類聚羣分人傑物華各有攸絃則可以兼史之衆體今夫士君子有所著述豈徒取其名而已哉必將綜鉅細覈本末挈綱領布條目語語悉歸於實而後爲天下有用之書况郡國所施行必資於志脫令猥瑣挂漏擇不精語不詳戾乎常經昧乎時變守土吏雖日披載籍而絲棼緒亂開卷茫然欲有裨於實用豈可得哉故善作志者必先究心於史體也余蒞任之初晤寶慶太守張君知黃君宅中攝篆時延書院山長鄧君重修郡志已次第脫稿而

寶慶府志序

序二

未見其書也今歲初冬新寧搖不靖余奉檄往討過郡城鄧君出書見示事竣旋省乃得從容觀之其書凡百四十五卷較舊志增多卷中各體之名悉準諸史其採訪條例凡七於鄉村界址山川里數以及民居氏族爲郡邑志從來未及者尤致意焉夫界址明則防維易也里數析則跋涉便也氏族別則宗法具也綱無弗舉目無弗張鉅細無弗周本末無弗貫雖僅一隅事平而衆體完備足以抗蔚宗追孟堅駸駸乎入子長之室矣猶憶軍事方興余未暇觀全書先觀其形勝圖記楚粵毗連之境漢猶交錯之區何地可守何地可攻何地可出奇何地可設伏靡不瞭如指掌昭析無遺用以誘賊離巢遣兵夾擊殲渠執訊勦撫兼施甫及三旬干戈遂戢此皆仰仗

聖天子德威遠播稟受 制軍 中丞韜略總戎以下諸將弁與

守令丞倅士民同心同力得上慰

宸念之勤余未嘗有績也而犄角捭吭管見亦不無偶中實賴圖記有以導之余於是歎務虛名饒僞體者果不足與言志也若是書者變事藉以行權經事更可知宜守土吏誠悉心繕閱明辨篤行將見一郡數百里內疆圉鞏固道塗肅清政教日隆風俗日厚則其有裨實用豈祇在今日平糶一事哉第賞其名目之古謂正史而外並別史雜史諸體莫不兼之博雅閎通生面獨闢猶淺之乎測是書也道光二十有七年十二月既望署湖南按察使事鹽法長寶道歸安楊炳堃序

寶慶府志序

序三

二

寶慶府志序

道光二十有四年余以湖南古丈坪同知權守寶慶檢閱郡志自乾隆開鄭東里太守修輯後迄今八十餘年缺漏殊多竊念表章文獻守土之責欲修舉焉而慮秉筆之難其人也明年春敦延新化鄧湘皋先生主講濂溪書院課士之暇相與商榷搜討重加纂述先生耆年邃學好古情深嘗有楚寶之編沅湘耆舊之輯固已擷薏林於杞梓揚幽馥於芷蘭矣茲又以郡志之修慨然自任桑梓之見聞既確老成之學識尤精因急率僚屬士民籌費開局并招致通敏博學者佐分校之勞文質彬彬一時稱盛已而余遷貴州大定府知府是年夏六月卸事代者爲郴州刺史吳君士俊而新太守張君鎮南亦於秋七月至長沙則余鄉人也二君與余同官而又皆同志聞修志之舉各忻然

寶慶府志序

序四

曰此乃政之急務君雖去後必踵成之又明年夏邵陽縣訓導彭君洋中書來具言志已脫稿先後授梓人促爲序言弁諸簡端序則余不敢作顧區區未竟之志則有不能不告諸後來者因以其意郵附簡末期其事之相與有成也先是郡西郭故有召伯祠久圯前年葺而新之王茂才退襄向余言城南甘棠舖古樹無存欲於祠前補栽棠樹使召公遺蹟允著是邦又濂溪周子以永州通判來攝郡事遷學於牙門之東南今邵陽縣學卽其故地尙書度支郎中孔延之作邵州遷學記詞義甚美碑已無存余嘗欲覓佳石書而鐫之囑於學宮俾學者仰止景行知所嚮往此二者皆余欲爲之事以遷去不果曾以語訓導彭君庶幾其終成之乎訓導書又言濂溪書院向有謝公祠祀明郡守謝貞肅公省日久圯廢有新化周監生者願出貲重修而

鄧先生之戚陳之弼訓導議於書院建邵州五忠祠以祀郡人劉孔暉盧大受陳君寵何天衡林青陽五公是皆以忠節著聞哉於郡志者郡人士慕義之風不尤當表而出之耶若夫鄧先生以修史之筆修志是書之成將與朝邑武功並垂不朽有識者自能辨之無藉乎余言至吳刺史張太守之後先繼美及郡僚紳士之協力贊成俱已詳著卷端亦無俟鄙人贅述也道光二十有六年冬十月癸丑朔河曲黃宅中書於貴州大定府署之鑑心堂

寶慶府志序

序四

寶慶府志序

賢人君子之生於其時其地豈偶然哉孔子嘆杞宋文獻不足夏殷之禮無徵蓋傳世既遠典冊放失無人焉網羅舊聞纂述之以詔方來學士大夫事有所可疑政有所不通無所質信小子後生無由考古識遠以牖其聰明而激發其志氣非細故也今天下郡縣莫不有志矣然非殫見洽聞通達古今著道德而能文章而天又予之以寬假之歲月使得優游著述萃文獻於一身者爲之必不足以信今而傳後乙巳之秋余承乏出守寶慶寶慶宜有志未得見也先是吾鄉黃惺齋太守權郡事因寶慶志修自乾隆間今缺漏過甚亟宜修適新化鄧子立先生方主郡城濂溪講院遂以相屬予立復引其友鄒君相助既開局會惺齋擢守大定去吳君傳巖繼之鄒君別去而以其事諄屬

寶慶府志序

序五

邵陽學彭君彥深爲之左右而余適受代至因得從彥深與子立從容商榷閱日親造局中相與上下其議論益習而於是書親見其成之之勢與聞所以作書之指世稱高似孫刻錄于欽齊乘康海武功志韓邦靖朝邑志爲方志之最顧其體例謹嚴援據精核無方志繁濫荒陋之習尙已然於一方吏治得失民生休戚安危之大則未之及是書兼四家之長而地志一門以州縣統鄉里以鄉里統村閭都皆必詳著其去治遠近東西南北所接壤何村何團與夫山川關隘塘堰亭橋寺觀經塗縱橫間道紆直之可藏伏出入準開方法分合伸縮一一爲之圖又仿華陽國志著其村內大姓又別爲氏族表其世襲里居使夫覽者瞭如指掌無事之時可行保甲之法有事則團練守禦方略皆具其中此則四家所未曾見及者蓋煌煌乎經國之鴻

寶慶府志序

序五

猷資治之龜鑑也若夫人物列傳發潛聞微往往舊志所遺或敘述而不得其詳且要者爲博稽諸史及百氏記載金石碑版詳加甄錄俾忠臣烈士遺民逸老孝子悌弟可歌可泣之行百世下凜然如生所以扶世教勵風俗之意蓋諄諄焉又豈尋常方志所可同日語哉予立名在天下所著諸書多刊行海內方聞綴學之徒類能言之今郡志一書獨余先親且身親其事爲快竊以謂是書之宏綱鉅目博瞻詳密與作者之通才偉識精神意量皆可以垂世行遠又念國有斯人向令出所學得行其用世之志其所建樹當別有在顧栖栖燕齊吳粵閒垂老屈就一冷官旋且棄去今七十之年神明不衰猶得從荒江老屋中一起而成茲不朽盛業此則天所留以爲文獻交萃之身雖非邵人所得私然不可謂非邵人之幸也故於其書之成亟馳簡

寶慶府志序

序五

告慰惺齋爲邵人幸亦爲吾輩守土幸且爲海內讀是書者幸也道光二十有八年冬寶慶府知府孝義張鎮南序